



Broj: 13-03/1-31-4477/23
Sarajevo, 07.06.2023. godine

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine" broj 35/05), člana 15. Zakona socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16, 44/17, 28/18, 52/21 i 40/22) i Odluke o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva za rad, socijalnu politiku, raseljena lica i izbjeglice Kantona Sarajevo za 2023. godinu ("Službene novine Kantona Sarajevo", broj 21/23), ministrica za rad, socijalnu politiku, raseljena lica i izbjeglice Kantona Sarajevo donosi

SOCIJALNI PROGRAM
KAO SKUP MJERA I AKTIVNOSTI KOJE SU USMJERENE NA PREVENIRANJE I
OTKLANJANJE STANJA SOCIJALNE NESIGURNOSTI POJEDINIH KATEGORIJA
STANOVNIŠTVA

Socijalni program kao skup mjera i aktivnosti koje su usmjerene na preveniranje i otklanjanje stanja socijalne nesigurnosti pojedinih kategorija stanovništva (u daljem tekstu: Socijalni program) donosi se u cilju poboljšavanja socijalnog i sveukupnog stanja pojedinih kategorija stanovništva, a predmetni socijalni program sadrži četiri aktivnosti usmjerene na više različitih kategorija korisnika socijalne zaštite.

Za realizaciju predmetnog socijalnog programa su u Budžetu Kantona Sarajevo za 2023. godinu - Ministarstva za rad, socijalnu politiku, raseljena lica i izbjeglice Kantona Sarajevo ekonomski kod 614200, funkcija 107F, subanalitika NAM001 - "Socijalna zaštita" obezbijedena sredstva u iznosu od 150.000,00KM.

1. Zaštita žrtava nasilja u porodici

I Aktivnosti u okviru dijela socijalnog programa "Zaštita žrtava nasilja u porodici" u fokusu ima žene žrtve nasilja koje su bile smještene u Sigurnoj kući koja egzistira u sastavu Fondacije lokalne demokratije, a za koje stručni radnici Javne ustanove "Kantonalni centar za socijalni rad" - nadležnih službi socijalne zaštite i stručno osoblje Sigurne kuće, na osnovu svoje ekspertize i iskustva u radu za ovom populacijom cijene da im je potrebno pružiti podršku i po izlasku iz Sigurne kuće.

II Cilj ovih aktivnosti je osiguravanje smještaja za žene žrtve nasilja koje su prošle tretman u Sigurnoj kući i po izlasku iz iste su nastavile da samostalno žive i rade, a sve u cilju njihovog

4
3
1
6

dodatnog osnaživanja na socijalnom, ekonomskom i psihološkom polju, te sprečavanja povratka nasilniku.

III Korisnice ovih aktivnosti su žene i djevojke žrtve nasilja, odnosno osobe izložene zlostavljanju i nasilju u porodici kao utvrđena kategorija korisnika shodno članu 14. Zakona socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16, 44/17, 28/18, 52/21 i 40/22), a koje su kao takve registrovane u nadležnim službama socijalne zaštite, završile su tretman u Sigurnoj kući, te za koje se praćenjem zna da se nisu vratile nasilniku i da im je ovaj vid podrške potreban.

IV Shodno Protokolu o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo, Javna ustanova "Kantonalni centar za socijalni rad" u cilju zaštite žrtve nasilja u porodici, između ostalog, izdaje saglasnost i koordinira smještaj u Sigurnu kuću koja egzistira u sastavu Fondacije lokalne demokratije, te u saradnji sa Sigurnom kućom izrađuje individualni plan zaštite za žrtvu.

V U skladu sa potpisanim Protokolom o saradnji između Javne ustanove "Kantonalni centar za socijalni rad" i Fondacije lokalne demokratije o međusobnoj saradnji u radu Mobilnog tima, navedeni tim će pružati podršku i realizirati stručni rad sa korisnicama koje su obuhvaćene ovim programom.

VI Korisnice za koje stručni radnici Javne ustanove "Kantonalni centar za socijalni rad", odnosno nadležnih službi socijalne zaštite i stručno osoblje Sigurne kuće, na osnovu utvrđenih kriterija i praćenja njihovog stanja po izlasku iz Sigurne kuće, ustanove da se iste nisu vratile nasilniku i da im je potreban ovaj vid podrške u njihovoj borbi za egzistenciju i osamostaljivanje, dobiće novčanu podršku za plaćanje troškova podstanarstva i režijskih troškova. Spiskove navedenih korisnica će Javna ustanova "Kantonalni centar za socijalni rad" dostaviti Ministarstvu za rad, socijalnu politiku, raseljena lica i izbjeglice Kantona Sarajevo koje će vršiti isplatu istim.

VII Korisnice obuhvaćene ovim aktivnostima u okviru socijalnog programa će biti u obavezi da sredstva utroše za plaćanje troškova stanarine i režijske troškove u stanu koji koriste. Ukupna cijena koštanja stanarine i režijskih troškova može iznositi najviše do 600,00KM.

Novčanu podršku će moći ostvariti najviše 15 žrtava nasilja, i to u iznosu od najviše 600,00KM i u trajanju od najviše 7 mjeseci (do kraja 2023. godine).

600,00KM x 7mjeseci = 4.200,00KM x 15 korisnica = 63.000,00KM.

VIII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava, Javna ustanova "Kantonalni centar za socijalni rad" je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

IX Nosioci realizacije navedenih aktivnosti su Javna ustanova "Kantonalni centar za socijalni rad" i Fondacija lokalne demokratije, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.



2. Predbračno savjetovanje u cilju prevencije razvoda braka i porodične disfunkcionalnosti

I Aktivnosti u okviru dijela Socijalnog programa "Predbračno savjetovanje" imaju u fokusu aktivnosti u cilju prevencije razvoda braka kroz pružanje podrške mladima koji ulaze u prvu fazu životnog ciklusa porodice, a imajući u vidu da analiza statističkih podataka pokazuje da je broj razvoda u Kantonu Sarajevo u značajnom porastu u odnosu na raniji period. Imajući u vidu sve navedeno, ovaj je program dobio podršku za realizaciju od strane Ministarstva za rad, socijalnu politiku, raseljena lica i izbjeglice Kantona Sarajevo.

II Cilj ovih aktivnosti je jačanje kompetencija mladih za kvalitetan izbor partnera i izgradnju funkcionalnih partnerskih odnosa, kao i prevencija porodične disfunkcionalnosti.

Očekivani efekti realizacije planiranih aktivnosti su upoznavanje i psihoedukacija partnera sa specifičnostima partnerskog odnosa, sa modelima komunikacije u partnerskom odnosu, sa očekivanim i neočekivanim krizama unutar partnerskog odnosa, kao i prepoznavanje potrebe za stručnom podrškom u razrješenju kriza unutar partnerskog odnosa.

III Korisnici ovih aktivnosti su parovi koji prijave vjenčanje u nekoj od općina u Bosni i Hercegovini, odnosno mladi parovi u dobi od 18 do 30 godina, uz uslov da jedan od partnera ima prebivalište na području Kantona Sarajevo i da namjeravaju, u narednom periodu, svoj zajednički život realizirati na području Kantona Sarajevo. Mladima koji prijave vjenčanje u nekoj od općina u Bosni i Hercegovini će biti ponuđeno da prođu kroz ciklus edukacija na kojima će se obrađivati različite teme u cilju pripreme budućih bračnih parova za izazove koje sa sobom nosi zajednički život kroz jačanje kompetencija mladih za izgradnju funkcionalnih partnerskih odnosa, a onima koji prihvate učešće u predbračnom savjetovanju refundirati će se troškovi izlaska matičara na teren prilikom njihovog vjenčanja. Navedenim aktivnostima će biti obuhvaćeno najviše 100 mladih parova iz Kantona Sarajevo.

IV Aktivnosti ovog dijela Socijalnog programa će biti realizirane kroz interaktivne i edukativne radionice koje podrazumijevaju savjetodavni grupni rad i multimedijalne prezentacije za mlade parove sa ciljem sticanja znanja, vještina i kompetencija vezanih za partnerstvo.

V Kantonalna javna ustanova "Porodično savjetovanište" će prije realizacije predmetnih aktivnosti, sa općinama precizirati način dobijanja informacija o mladim parovima koji planiraju stupanje u brak, a u cilju njihovog uključivanja u aktivnosti predbračnog savjetovanja.

VI Aktivnosti će realizirati odgovarajući stručni kadar Kantonalne javne ustanove "Porodično savjetovanište", a Ustanova će obezbjediti i prostor i uslove za realizaciju savjetodavnog rada. Ustanova će također vršiti i refundaciju sredstava za troškove izlaska matičara na teren mladim bračnim parovima koji su prethodno prisustvovali navedenim aktivnostima ove ustanove.

VII Ukupni troškovi realizacije predmetnih aktivnosti iznose **60.000,00 KM**, a neophodna sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi "Porodično savjetovanište".

Struktura utroška planiranih sredstava je slijedeća: **500,00KM (prosječna cijena izlaska na teren matičara) x 100 budućih bračnih parova = 50.000,00KM i 10.000,00KM za troškove**



Adresa: Reisa Džemaludina Čauševića 1, 71 000 Sarajevo

Tel: + 387(0)33 562-089, Fax: + 387(0)33 562-090

Web: <http://mrsri.ks.gov.ba>, E-mail: mrsri@mrsri.ks.gov.ba

organizacije radionica, štampanje materijala i plaćanje profesionalaca koji će provoditi predbračno savjetovanje.

VIII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova "Porodično savjetovalište" je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

IX Nosilac realizacije navedenih aktivnosti je Kantonalna javna ustanova "Porodično savjetovalište", a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

3. Podrška veteranima koji pored PTSP-a imaju razvijenu ovisnost o alkoholu i drugim psiho-aktivnim supstancama

I Aktivnosti u okviru dijela Socijalnog programa "Podrška veteranima koji pored PTSP-a imaju razvijenu ovisnost o alkoholu i drugim psiho-aktivnim supstancama" imaju u fokusu aktivnosti u cilju uspostavljanja specifičnog programa rada kako bi se unaprijedio kvalitet života veteranima koji pored PTSP-a imaju razvijene i druge oblike ovisnosti.

II Cilj ovih aktivnosti je, između ostalog, pružanje psihosocijalne pomoći kroz stručni rad, poboljšanje opšte životne funkcionalnosti, prvenstveno sa naglašavanjem i uspostavljanjem trezvenog životnog stila, pružanje socijalne podrške, psihoedukacija, usvajanje samopoštovanja i samopouzdanja i usvajanje novih socijalnih vještina.

III Korisnici ovih aktivnosti su demobilisani borci i ratni veterani koji imaju različite vrste ovisnosti (PTSP, alkohol, psiho-aktivne supstance), te kojima je zbog navedenog ozbiljno narušen kvalitet života. Navedenim aktivnostima će biti obuhvaćeno najviše 40 navedenih korisnika iz Kantona Sarajevo.

IV Aktivnosti ovog dijela Socijalnog programa će biti realizirane kroz grupni terapijski rad, grupe samopomoći, individualni terapijski rad, rad na uspostavljanju apstinencije, podizanju motivacije i prevenciju recidiva, radno okupacionu terapiju, sportske aktivnosti i cjelodnevni boravak.

V Javna ustanova Terapijska zajednica – Kampus Kantona Sarajevo će prije realizacije predmetnih aktivnosti, sa udruženjima boraca i ratnih vojnih invalida, udruženjima maloljetnih boraca i Ministarstvom za boračka pitanja Kantona Sarajevo iskomunicirati najbolji način regrutovanja korisnika za ovaj socijalni program.

VI Aktivnosti će realizirati odgovarajući stručni kadar Terapijske zajednica – Kampus Kantona Sarajevo, a Ustanova će obezbjediti prostor i uslove za realizaciju navedenih aktivnosti.

VII Ukupni troškovi realizacije predmetnih aktivnosti iznose **15.000,00 KM**, a neophodna sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Javnoj ustanovi Terapijska zajednica – Kampus Kantona Sarajevo.



Struktura utroška planiranih sredstava je slijedeća: **9.000,00KM troškovi za hranu, 2.300,00KM poljoprivredni materijal, 500,00KM sitni inventar za rad u plasteniku, 700,00KM kancelarijski materijal potreban za grupne i individualne terapije, 500,00KM kompjuterski materijal, 500,00KM rekreacioni materijal i 1.500,00 KM troškovi prevoza i goriva = 15.000,00KM.**

VIII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Javna ustanova Terapijska zajednica – Kampus Kantona Sarajevo je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

IX Nosilac realizacije navedenih aktivnosti je Javna ustanova Terapijska zajednica – Kampus Kantona Sarajevo, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

4. Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja

I Aktivnosti u okviru dijela Socijalnog programa "Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja" imaju u fokusu aktivnosti u smislu unapređenja pružanja usluga djeci bez roditeljskog staranja i djeci i porodicama u riziku od razdvajanja, a sve u cilju preveniranja razdvajanja djece od svojih bioloških srodnika, korekcija ponašanja i jačanje životnih vještina.

II Cilj ovih aktivnosti je, između ostalog, pomoć u pravilnom rastu i razvoju u oblasti govora i jezika djece bez roditeljskog staranja i djece i porodica u riziku od razdvajanja kroz angažman logopeda, kao i osiguravanje novčanih sredstava za gorivo za prevoz djece u riziku od razdvajanja sa područja Kantona Sarajevo, koja će koristiti usluge Dnevnog centra.

III Korisnici ovih aktivnosti su djeca bez roditeljskog staranja, djeca u riziku od razdvajanja i djeca u procesu reintegracije kojima treba pomoć u pravilnom rastu i razvoju u oblasti govora i jezika, te djeca u riziku od razdvajanja – tipičnog i atipičnog razvoja. Navedenim aktivnostima će biti obuhvaćeno do 70 djece logopata i 20 djece u riziku od razdvajanja – tipičnog i atipičnog razvoja.

IV Kantonalna javna ustanova Dom za djecu bez roditeljskog staranja će za potrebe realizacije predmetnog socijalnog programa angažovati logopeda na nivou 15 sati sedmično, te izvršiti nabavku goriva neophodnog za prevoz korisnika.

V Struktura utroška planiranih sredstava je slijedeća: **650,00KM (mjesečna naknada logopedu) x 7 mjeseci = 4.550,00KM** za potrebe angažmana logopeda i **4.320,00KM za nabavku goriva** za prevoz korisnika što **ukupno iznosi 8.870,00KM**. Neophodna sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi Dom za djecu bez roditeljskog staranja.

VI O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova Dom za djecu bez roditeljskog staranja



je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

VII Nosilac realizacije navedenih aktivnosti je Kantonalna javna ustanova Dom za djecu bez roditeljskog staranja, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

VIII Po provedenim aktivnostima iz Socijalnog programa, navedene ustanove socijalne zaštite su dužne sačiniti i dostaviti u Ministarstvo za rad, socijalnu politiku, raseljena lica i izbjeglice Kantona Sarajevo narativni i finansijski izvještaj o realizovanim aktivnostima, i to Javna ustanova “Kantonalni centar za socijalni rad” za dio socijalnog programa Zaštita žrtava nasilja u porodici, Kantonalna javna ustanova “Porodično savjetovalište” za dio socijalnog programa Predbračno savjetovanje, Javna ustanova Terapijska zajednica – Kampus Kantona Sarajevo za dio socijalnog programa Podrška veteranima koji pored PTSP-a imaju razvijenu ovisnost o alkoholu i drugim psiho-aktivnim supstancama, te Kantonalna javna ustanova Dom za djecu bez roditeljskog staranja za dio socijalnog programa Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja. Rok za dostavu predmetnog izvještaja je 31.01.2024. godine.

MINISTRICA

Enda Pavljč Pečenковиć

Dostavljeno:

1. Ministarstvo za rad, socijalnu politiku, raseljena lica i izbjeglice Kantona Sarajevo,
2. Ministarstvo finansija Kantona Sarajevo,
- ③ Javna ustanova “Kantonalni centar za socijalni rad”
4. Fondacija lokalne demokratije
5. Kantonalna javna ustanova “Porodično savjetovalište”,
6. Javna ustanova Terapijska zajednica – Kampus Kantona Sarajevo,
7. Kantonalna javna ustanova Dom za djecu bez roditeljskog staranja,
8. Evidencija,
9. A r h i v a.